

Dépôt: CLEMENT Sven

Débat sur la politique européenne et étrangère

Lëtzebuerg, den 29/10/2025

3

Motioun

D'Chamber vun den Deputéierten stellt fest:

- De Fait, datt 153.000 Lëtzebuerger Staatsbierger am Ausland liewen, déi e bedeitenden a wäertvollen Deel vun eisernationaler Gemeinschaft duerstellen.
- Datt dës Diaspora e grouss Potenzial fir Lëtzebuerg duerstellt, dat aktiv unerkannt a gefërdert sollt ginn.
- Déi praktesch Onméiglechkeet fir vill Staatsbierger, Honnerte vu Kilometer bis bei déi noosten Ambassade oder dat nooste Konsulat ze reesen, fir wesentlech perséinlech Déngschtleeschungen an Usproch ze huelen.
- Datt reng digital Léisungen, obwuel si wichteg sinn, d'Obligatiounen vum Staat, déi eng perséinlech Presenz erfuerderen, net kënnen erfëllen – besonnesch bei der **biometrescher Erfassung** fir Päss an Identitéitskaarten
- Datt de lëtzebuergesche Reseau vun Honorarkonsulen e wäertvollt a wichtegt Instrument ass, dat ka genotzt ginn, fir dës wesentlech Déngschtleeschungen effizient unzebidden.
- D'Erausfuerderung fir d'Demokratesch Rechter aus dem Ausland auszeüben, wat fir vill Bierger eng grouss Hürd bleift, deelweis souguer am noen europäeschen Ausland.
- D'Sprochebarrière fir vill Lëtzebuerger am Ausland, déi de Bezuch zu hire Wuerzele wëllen (erëm)fannen, an den Erfolleg vun der Plattform llo.lu als Instrument dofir.

Aus dëse Grënn invitéiert d'Chamber vun den Deputéierten d'Regierung:



1. E System vu "Flying Consuls" an d'Liewen ze ruffen:

- Mobil konsularesch Ekippen ("Flying Consuls") op d'Been ze stellen, déi d'Aufgab hunn, reegelméissegperséinlech Déngschtleeschungen an deene Regiounen unzébiden, wou vill Lëtzebuerger wunnen, awer keng Ambassade oder Konsulat existéiert.
- Dës Ekippen ze beoptragen, direkt mam Réseau vun den **Honorarkonsulen** zesummenzeschaffen, fir deenen hir Raimlechkeeten als temporär an offiziell Plaze fir dës Déngschtleeschungen ze notzen.
- Ze garantéieren, datt d'Hauptfunktioon vun dësem System d'Ofwécklung vun Déngschtleeschungen ass, déi net kënnen digitaliséiert ginn, besonnesch déi **sécher biometresch Erfassung** fir Päss an Identitéitskaarten, souwéianer Legalisatiounen an Akte vum Etat Civil.

2. Eng Etüd iwwert d'Walméiglechkeet an de Konsulater duerchzeféieren:

- Déi legal, logistesche a finanziell Viraussetzungen z'ënnersichen, fir eng perséinlech Stëmmofgab bei den National- an Europawalen an designéierten Ambassaden an Honorarkonsulater z'erméiglechen.
- Dës Etüd soll e klore Wee opzeechnen, wéi d'Bréifwal duerch eng sécher, perséinlech Optioun ergänzt ka ginn, fir déi Bierger, déi dat virzéien oder fir déi de Postwee net zouverlässeg ass.

3. Eng Strategie fir den Ausbau vun der sproochlecher a kultureller Offer z'entwéckelen:

- Eng spezifesch Strategie auszeschaffen an ze finanzéieren, fir d'Plattform **llo.lu** auszebauen an un déi **153.000 Lëtzebuerger am Ausland ze promouvéieren**, mat engem besonnesche Fokus op déi, déi d'Sprooch nach net schwätzen.
- Dës Strategie soll d'Zil hunn, d'Barrière vun der kultureller a sproochlecher (Re-)Integratioun erfzesetzen an domat d'Verbindung tëscht der Diaspora an dem Grand-Duché ze stäerken.

Sven CLEMENT

